



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXXXVII. Continuatio ejusdem Argumenti.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

tudinem, Perseverantiam, & constantem in omnibus Imitationem sese animent, comparatione triplici Domini, Magistri, & Patrisfamilias, sibi tanquam minimis servis, discipulis, & filijsfamilias continante oculos positâ.

MEDITATIO CCLXXXVI

Continuatio eiusdem Argumenti

Matth. 10.

PUNCTUM I. Cùm Christus Discipulos suos ad quavis adversa, injurias, persecutiones, secundum Exemplum suum tolerandas, excitâisset, ut harum metum ipsis adimeret, asseveravit illis, quòd Innocentia illorum per ignorantiam oppressa, mala omnibus ipsis occultè illata, Patientiæ, Fortitudinis, ac Perseverantiæ in abscondito relata trophæa, aliquando toti mundo cum magna Gloria illorum sint manifestanda. *Nihil enim, inquit Matth. 10. v. 26. est occultum, quod non revelabitur; & occultum, quod non sciatur.* Noli ergo ipse Innocentiam tuam, & laude digna opera, ac merita tua per jactantiam aut gloriationem in hac vita alijs manifestare, sed desidera potius latere; quia suo tempore nihil erit opertum, vel occultum, quod non revelabitur ac sciatur. Sicut e contrario omnia mala occultè cogitata, dicta, & facta toti mundo pendentur. Ab omnibus ergo abstine quæ verecundiam & ruborem incutere possunt.

PUNCT. II. Quia omnia Christi colloquia erant Sanctissima, & utilissima, ideo non tantum non reformidavit, ea alijs manifestari, sed ad hanc ipsam

manifestationem intrepidè faciendam hortatur, & metum eximit. Talia sint omnia tua verba, ac dicta, ut ea citra omne tuum damnum, & Proximi offensam, vel scandalum cuilibet referri ac manifestari possint. Quemadmodum nimirum Christus Discipulis suis dixit: *Quod dico vobis in tenebris, dicite in lumine: & quod in aure auditis, predicare super teſta.* Matth. v. 27.

PUNCT. III. *Et nolite timere eos, qui occidunt corpus, Animam autem non possunt occidere: sed potius timete eum, qui potest & Animam & corpus perdere in gehennam.* Matth. v. 28. Aliam causam timoris à Discipulis suis repellendi affert Christus in prædictis verbis, 1. ex imbecillitate & infirmitate hominum, ob quam omni sua malitia, malevolentia, odio, persecutione nihil possunt nobis per illata mala nocere, etiamsi bona omnia externa, famam, honorem, ipsamque vitam abstulerint; quia hæc damna potius lucra sunt: *Momentaneum enim & leve tribulationis supra modum æternum Glorie pondus operatur in nobis.* 2. Cor. 4. v. 17. Hinc ob metum hominum nullum malum à nobis est faciendum: nullum bonum, quod videbitur necessarium, vel magis expediens, intermittendum: nulla assentatione illorum gratia est aucupanda. 2. Ex levitate malorum temporalium, etiam corpori nostro illatorum; eò quòd, ut dictum est, nobis magis profint, quàm obfint; & quòd corpus in comparatione Animæ minimi sit æstimandum. Unde pro evitandis Animæ malis libenter sustineamus corporis afflictionem; imò eandem nobis ipsis inferamus per opera, quibus sancto & laudabili Odio nos ipsos persequimur.

MEDI-